

Rau Ite Inim Ru To Paulus Imbooda Ila To Yes Tesalonika

2 Tesalonaika

1 ¹You Paulus. Yeru Silas ve Timoti nimbood rau tonene ilat to lupuuŋ to Krisi to aneep izi ndug Tesalonika. Yam tamtoghon to aneep tuŋja ila to Tamaan Maaron ve Tiina toit Yesu Krisi.^a

²Poia toman luuma to Tamaan Maaron ve Tiina toit Yesu Krisi iza tiam, ve tiŋgin gham aneep pooi toman lolomim luuma. Onoon.

Yes Tesalonika tiyoon ariana pa badooŋ pataŋani

³Yam toŋvetaz, sawa isob, yei lolomai poia pa Maaron ve nipaiti payam. Ve ighaze nigham tovene, nene deŋja. Pasa, ghurla tiam ivot le ighaze iyaryaŋ tonene. Ve ŋgar to lolomim pa taumim ve agham poian taumim, tovene paam. Nene ivotvot inim tiina ila lolomim, le yam asob ataghoni kat.^b

⁴Pughu tonene to nipapait varumim ila lupuuŋ to Maaron lolodi irau ndug ndug. Yei nipaesia varumim padi nighaze onoon, yam ambaad pataŋani naol, ve tamtoghon tighamgham samin gham pasa, yam ataghon Krisi. Eemoghon ayoon ariana, ve akis ghurla tiam tuŋja.^c

Maaron pale ighur atia pa yes to tizorzoor varu

⁵⁻⁶Onoon, aazne yam ambaad pataŋani pasa, ataghon pooz to Maaron. Ŋgar tiam tonanan ipatoŋ gham ighaze muri, sawa to Maaron ipatoŋ pooz toni ivot ighazooŋ, ve iŋgabiiz tamtoghon ve ighur atia padi, ye pale ipait gham ighaze yam popoiamim irau to alooŋ ala ndug toni. Pasa, Maaron gabizooŋ toni, nene deŋja moghon. Tovenen yes to

a 1:1 Mbaŋ 17:1 b 1:3 2Tes 2:13 c 1:4 Mbaŋ 14:22; 1Tes 2:14

tighurghur pataņani payam, ye pale ighur pataņani padi, lesu iyat nġar todi tonowen. ⁷Ve yam to ambadbaad pataņani, ye pale ipas gham avot pa pataņani tiam, ve igham gham atemim izi. Ve yam moghon maau. Yei paam. Sawa to Tiina toit Yesu imuul inim, ve Maaron ipatoonġa ivot ighazoonġ, nene pale mbeg tonenen ivot. Yesu yesnġa aņġela toni arianaġadi, pale tipul sambam, ve tizi tinim toman mbalmbali to Maaron to ighanghan inimale yab.^d

⁸⁻⁹Ghoro iyat nġar samsamia to tamtoghon, ve ighur atia padi tovene: Yes irau tila tineep toman Tiina toit, ve tighita nġuruba ve tapiri ne maau. Ye pale izurun di tila sagan, ve pataņani tiina igham di itaghoni taghoni gha ila. Irau isob maau. Atia tonowen pale iņarua tamtoghon tisob to tiwatag Maaron maau, ve tizoroor varu poia to Tiina toit Yesu.^e

¹⁰Mboņ Muri, mbeg tonowen pale ivot. Sawa tonenen, Tiina toit Yesu pale imuul inim. Leso tamtoghon toni patabuanġa to tighur ila toni ne, tipakuri ve tipait iza pa tapiri ve poia toni. Pale tighaze le tighetghita moghon. Ve yam paam pale aneep toman di. Pasa, sawa to nivotia saveen to Kriši payam ve nipariaanġ gham pa aghur ila toni, yam aloonġ saveen tiei, ve aghur ila.^f

Suņuuņ to Paulus iņarua Maaron pa yes Tesalonika

¹¹Yei nigham nġar pa mbeg naol tonenen, tauto sawa isob, suņuuņ tiei iņarua Maaron toit nighaze ighita gham popoiamim ila mata, ve irau agham nepoonġ poia to ye ipoi gham pani. Ve nighaze Maaron ipalot gham pa tau tapiri. Leso yam irau agham nġar popoiadi tisob to aghaze agham di, ve apatoonġ ghurla tiam ila uraat popoia naol.^g

¹²Ighaze agham tovene, nene pale agham tamtoghon tighilal tighaze Tiina toit Yesu, ye iza tiina pa tapiri ve poia toni. Ve ye pale ipakur gham paam, ve igham gham aneep ila nġuruba lolo. Nġar tovene pale ivot payam itaghon poia to Tamaan Maaron yesuru Tiina toit Yesu Kriši. Onoon.^h

Nġeu Samia Kat pale ivot ve izoor tutuuņ to Maaron

2 ¹Yam toņvetaz, aazne yei nighaze nipaes payam pa sawa to pale Tiina toit Yesu Kriši imuul inim ve tiyou ghiit tala toni, lesu itinġa taneep. Tovenen nighason gham nighaze aghur taliņamim pooi pa saveen tiei tonene.ⁱ

²Onoon, ndiran pida avaat tisaav payam tighaze sawa to Tiina toit Yesu, nene ivot wa. Eemoghon ruņamim iza ve agham nġar naol pa saveen todi

d 1:7 Mt 25:31; 1Tes 3:13, 4:16; Syg 14:13 e 1:8-9 Mt 25:41; Ro 2:8; 2Pe 3:7; Syg 20:15
f 1:10 Mbaņ 1:11; Kol 3:4 g 1:11 Ep 4:1; 2Pe 1:10 h 1:12 Yo 17:10; Pil 1:27+; Pil 2:13;
Kol 1:9; 1Tes 1:2+ i 2:1 1Tes 4:15+

malep. Ighaze ndiran tonowen tighaze Avuvu Patabuan ipamundigin di ve tisavsav tinimale propet, ma tighaze saveej to tisavia payam, nene Maaron aliņa, ma tighaze yei nimbood saveej tovene ila rau eta, nene matamim ila pa saveej todi malep.^j

³Tovenen apul tamtoghon eta itombaan gham malep. Pasa, sawa tonenen irau ivot sorok maau. Tamtoghon pale tighur muridi pa Maaron, ve tizoor aliņa kat, ve Ijgeu To Izorzoor Tutuuj To Maaron ivot. Le isob, ghero sawa tonenen ivot. Ijgeu tonowen, muri pale ila ndug samia ve ilale kat.^k

⁴Pasa, ye pale ighur koi pa Maaron tau toman mbep tisob to tamtoghon tiwatwaat di tighaze maaron todi ve timbesmbees padi. Ve ye pale ipait tau ighaze ilib padi. Ve ilooj ila Rumai to Maaron, ve mbole izi tonowe, ve ighaze: “You to Maaron tau.”^l

⁵Saveej tonene, paghu maau. Matamim iņgal. Sawa to itiņa tanepneep, you nasavia mbep tonene payam. ⁶Ve yam awatag: Sawa tonene, mbep eez iponpoon ataam pa ijgeu samia tonowen.^m

Leso ivot rikia sob. Ve tala tala le taza pa sawa toni kat, ghero ipatooj tau ivot ighazooj.ⁿ

⁷Pasa, njar to zoraaj tutuuj ighaze ivot tonene itaghon njar yonjaan to Maaron. Eemoghon ivot ighazooj kat sone. Ve pale ivotvot tovene le mbep to iponpoon ataam pani ighau, ghero ivot ighazooj. ⁸Ijgeu To Izorzoor Tutuuj To Maaron, sawa to ipatooj tau ivot ighazooj, nene pale Tiina toit Yesu inim toman njaruba ve tapiri tiina, ve iwaghamuni. Pale ivibi moghon, ve imaat ve ilale.^o

⁹Ijgeu To Izorzoor Tutuuj To Maaron, sawa to ipatooj tau ivot ighazooj, Ijgeu Samia pale ighur tapiri iza toni. Tovenen ye pale igham uraat toman tapiri tiina, ve ipatooj uraat tintina ve mbep gharatoojadi naol naol, lesa itombaan tamtoghon.^p

¹⁰Tovenen ye pale itombaan tamtoghon pa njar samsamia naol to denjadi maau. Ve tamtoghon to itaghon ataam to timaat ve tilaledi, yes pale tighur ila saveej toni. Pasa, lolodi pa saveej onoon maau. Ve inimal lolodi pani, tone tighur ila, ve Maaron igham mulin di ve tineep pooi. Eemoghon maau. ¹¹Tovenen Maaron pale ighamun njar todi kat, lesa tighur ila saveej kaarom tonenen. ¹²Ye pale igham tovene pa tamtoghon tisob to tighur ila saveej onoon maau, ve tinidi iza pa ghamuuj njar samia. Lesa muri ipayoon di, ve ighur atia padi ve tilaledi.^q

Maaron isia yes Tesalonika tinim le, lesa igham mulin di

¹³Yam toņvetaz, sawa isob, yei irau lolomai poia pa Maaron ve nipaiti pa njar to igham payam. Ye lolo payam kat. Aghita. Muuj kat, ye isia

j 2:2 Mt 24:4; 1Yo 4:1 k 2:3 Mk 13:22; Syg 19:20 l 2:4 Dan 7:25, 11:36; Mk 13:14; Syg 13:5+ m 2:6 Ijgara pida tigham njar tighaze mbep to iponpoon ataam pa Ijgeu To Izorzoor Tutuuj To Maaron, nene uraat to votiaaj varu poia, ve lupuu to Krisi. n 2:6 Syg 20:1+ o 2:8 Is 11:4 p 2:9 Mt 24:24; Mk 13:22; Syg 13:11+ q 2:12 Ro 2:8

gham ila tamtoghon lolodi, lesu igham mulin gham. Ve Avuvu Patabuan igham uraat payam, tauto aghur ila saveeṅ onoon, ve ataghon ṅgar patabuan. Ila ataam tonene, yam anim aniṅ mata to tamtoghon tigham pa Maaron inimale paitoon.^r

¹⁴Maaron ighaze ṅgar tovene ivot payam, lesu muri igham gham aneep toman Tiina toit Krisi izi ndug sambam ila ṅguruba lolo. Tauto sawa to yei nivotia varu poia payam, ye ipoi gham anim le.

Paulus ipalot yes Tesalonika

¹⁵Tovenen yam toṅvetaz, ayoon tunja pa ghurla tiam. Ve Maaron aliṅa to tisavia payei ve anamai nipaesia payam ila avomai, ma nimbooda ila rau, nene matamim kisini, ve ataghoni kat.^s

¹⁶⁻¹⁷Tamaan Maaron lolo pait kat, ve poia toni ipapalot ghiit. Tauto lolood poia irau sawa isob, ve taghurghur mataad pa nepoon poia toman Maaron izi ndug toni sambam. Yesuru Tiina toit Yesu Krisi pale tirab atemim, ve tipalot gham. Lesu ataghon ṅgar popoia to naol ne, ve asavia saveeṅ popoia moghon. Onoon.^t

Paulus ighason yes Tesalonika ighaze tighuri ila sunuṅ todi

3 ¹Yo, yam toṅvetaz, nisavia saveeṅ tonene, ve isob. Ye nighaze yam aghur ghei ila sunuṅ tiam, ve aghason Maaron pa iuul ghei pa uraat tiei. Lesu saveeṅ to Tiina toit ilaan rikia irau ndug, ve tamtoghon tighita inimale mbeg tiina padi, ve titaghoni tinimale yam. ²Ve aghasoni paam pa ipaghau ghei pa ndiran samsamiadi to ṅgar todi poia maau. Pasa, yam awatag: Tamtoghon tisob tighur ila sone.^u

³Eemoghon iit irau tanumeer Tiina toit. Pasa, ye itaghon saveeṅ toni irau sawa isob. Ye tau pale ipalot gham, ve ipoon gham pa ṅgeu Samia.^v

⁴Tiina toit igham ghei nighur ila kat tovene: ṅgar isob to yei nisavia payam nighaze ataghoni, nene yam pale ataghoni. To aazne, ve itaghoni taghoni gha ila.

⁵Ve nighaze Tiina toit ipaghazonan ṅgar tiam, lesu aghilaal kat ila lolomim aghaze: Maaron lolo payam. Ve nighaze Krisi ipalot gham, lesu ayoon ariana pa badoon patanani animale ye tau.

Taneep sorok malep. Tagham uraat

⁶Yam toṅvetaz, yei nisaav ariana payam ila Tiina toit Yesu Krisi iza tovene: Ighaze toṅvetaz eta to Krisi igham uraat maau, ve inepneep sorok, yam agharai malep. Aneep saganu pani. Pasa ṅgar tovene, nene denja pa Maaron aliṅa to nisavia payam ne maau. Saveeṅ tonene, paghu

r 2:13 Ep 1:4; 1Tes 1:4, 5:9 s 2:15 1Kor 16:13 t 2:16-17 1Tes 3:13; 1Pe 5:10
u 3:2 Mk 13:10; Ro 15:30+ v 3:3 Yo 17:15; 1Kor 10:13; 1Tes 5:24; 2Pe 2:9

maau. Ineep muuŋ ve inim. ⁷Yam awatag: Sawa to ninepneep toman gham, yei nineep sorok maau. Nigham uraat. Ŋgar tiei tonene, yam irau ataghoni. ⁸Ve nighan aniiŋ to tamtoghon eta sorok maau. Nigholghol aniiŋ ve nighanghan. Pasa, lolomai pa nigham patarjani pa tiam eta maau. Tauto mboŋ ve ndag, nirab taumai pa uraat, lesu nindeej lemai yaam ris pa iuul ghei.^w

⁹Onoon, sawa tonenen, yei irau nighur matamai payam pa ulaaŋ pida. Eemoghon nighason gham maau. Pasa, nighaze nipatoon gham pa ŋgar poia, lesu aghita ve ataghoni.^x

¹⁰Ve sawa to nineep toman gham, yei nighur tutuuŋ ariaja payam tovene: Ighaze tamtoghon eta lolo pa ghamuuŋ uraat maau, ye irau ighan maau.^y

¹¹Eemoghon niloon tighaze tamtoghon tiam pida tigham uraat maau. Tinepneep sorok, ve tiwalaghlaagh taghon ruum ruum, ve tisia ledi savaaveej to nditadi.^z

¹²Ndiran tovene, yei nisaav ariaja padi ila Tiina toit Yesu Krisi iza nighaze tiput taudi, ve nimadi iyaryaŋ pa uraat todi. Lesu tingin taudi pa ledi mbab.^a

¹³Ve yam toŋvetaz, tinimim imum pa ghamuuŋ ŋgar poia malep.^b

¹⁴Saveej to nimbooda ila rau tonene, ighaze tiam eta itaghoni maau, yam aghita ve aneep sagan pani. Agharai malep. Lesu ighilaal sosor toni ve maya.^c

¹⁵Eemoghon aghita inimale koiamim malep. Aghita inimale toŋvetaz to Krisi, ve apasalungani.^d

Paesiŋ pida to Paulus

¹⁶Tiina toit Yesu, ye ŋgar luuma pughu. Sawa isob, ye tau pale igham gham aneep poia pa mbab to naol ne, ve aneep toman lolomim luuma. Ve ye pale ineep toman gham asob.^e

¹⁷You Paulus, taug nimag ve nambood ndag poia tiou ilat payam. You napasob rau tiou to naol ne tovene, lesu tamtoghon tighilaal tighaze taug to nambood di. Nene bodeej tiou tovene.

¹⁸Poia to Tiina toit Yesu Krisi ineep toman gham asob. Onoon.^f

w 3:8 Mbanj 18:3; 2Kor 11:9; 1Tes 2:9 x 3:9 Lu 10:7; 1Kor 9:4 y 3:10 Mbnp 3:19; 1Tes 4:11
z 3:11 1Tim 5:13 a 3:12 Ep 4:28 b 3:13 Ga 6:9 c 3:14 Mt 18:17 d 3:15 Ga 6:1;
1Tes 5:14 e 3:16 Ro 15:33; 1Tes 5:23 f 3:18 1Kor 16:23